

漢書門
類號 九〇九
函架 八二

內閣文庫
漢書
類號 九〇九
冊數 一
函架 三〇〇

內閣文庫	
番號	漢 11909
冊數	8 (2)
函號	300 200

0 1 2 3 4 5 6 7 8 9 10

A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale

G
Y
M

© Kodak, 2007 TM: Kodak



醫說卷第一

三皇歷代名醫

太昊宓犧氏

宓犧氏以木德王風姓也。一曰庖犧氏亦曰太昊。虵首人身生有聖德。母號華胥。都於陳。作瑟有三十六絃。其理天下也。仰則觀象於天。俯則觀法於地。鳥獸之文。與地之宜。近取諸身。遠取諸物。於是造書契。以代結繩之政。畫八卦。以通神明之德。以類萬物之情。所以六氣六腑五臟五行陰陽水火升降。得以有象。

新安張杲季明父著



百病之至得以類推炎黃因斯乃嘗味百草而制九
鍼以拯天枉矣出帝王世紀

炎帝神農氏

炎帝神農氏長於姜水因而姓姜人身牛首生有聖
德始教天下耕種五穀而食之以省殺生之弊嘗味
草木宣藥療疾以救天傷之命百姓日用而不知著
本草四卷至梁陶弘景以名醫別錄加之為七卷逮
于我唐統極英國公李勣許孝宓蘇敬宗等奉詔更
復採摭去陶氏之乖違辨俗用之糾紊新修為二十
卷今行焉出帝王世紀
及本草論序

黃帝

黃帝有熊氏少典之子姬姓也長于姬水龍顏有聖
德生而能言役使百靈可謂天授自然之體也猶不
能坐而得道故以地黃元年正月甲子將遊名山以
求神仙時方明力牧從焉東到青丘見紫府先生受
三皇天文以效萬神至具茨而見大隗君而受神芝
圖至蓋上見中皇真人受九茹散方至羅霍見黃蓋
童子受金銀方十九首適崆峒而問廣成子受以自
然經造峨嵋山並會地黃君受以真一經入金谷問
導養而質玄素二女著體診則問對雷公岐伯伯高

醫言
少俞之論備論經脉傍通問難以爲經教制九鍼著
內外術經十八卷陟王屋山玉闕之下清齋三日乃
登於玉闕之上入瓊琳臺於金杙之上得玄女九鼎
神丹飛香鑪火之道乃於茅山採禹餘糧烹之得銅
遂還荆山之下鼎湖之上參爐定藥虎豹萬羣爲之
視火九鼎神丹成有黃龍下迎黃帝上昇羣臣後宮
從上者七十餘人其小臣不得上乃悉持龍髯拔墮
帝弓萬姓仰望帝既上昇乃抱其弓與髯而號故後
世因名其處爲鼎湖其弓名烏號出帝王世紀太清
皇帝九鼎丹經

巫彭

巫彭初作醫周官曰五穀五藥養其病五氣五聲五
色視其生觀之以九竅之變參之以五臟之動遂有
五毒攻之以五藥療之以五氣養之以五味節之以
祛百病出史記
及周書

巫咸

巫咸堯臣也以鴻術爲帝堯醫又出世本曰巫咸初
作筮出郭璞巫咸
山序及世本

岐伯

岐伯黃帝臣也帝使岐伯嘗味草木典生醫疾經方
本草素問之書咸出焉出帝王
世紀

俞跗

俞跗者黃帝臣也善醫術所治病不以湯液醪醴鑿石躋引案杙毒熨一撥見病之應因五臟之輸乃割皮解肌決脉結筋搦髓腦揠荒氏幕漚浣腸胃漱滌五臟鍊精易形以去百病焉出史記

桐君

桐君者黃帝時臣也撰藥對四卷及採藥錄說其花葉形色論其君臣佐使相須至今傳焉出本草經序論

雷公

雷公者黃帝時臣也善醫術黃帝燕坐召雷公而問

之汝受術誦書者若能覽觀雜學別異比類通合道理務明之可以十全若不能知為世所怨又曰子知醫之道乎誦而頗能解解而未能別別而未能明明而未能彰足以治羣僚不足以治侯王雷公避席再拜曰臣年幼小矇愚以惑不聞臣受業傳之以教請誦脉經上下篇衆多矣至於別異比類由未能以十全又安足以明之云素問

伯高 少俞

伯高少俞並黃帝時臣未詳其姓輔佐黃帝詳論脉經對揚問難經究盡義理以為經論故人到于今賴

乏素問

馬師皇

馬師皇者黃帝時獸醫也善知馬形氣生死之診治之輒愈後有龍下向之垂耳張口師皇曰此龍有病我能已之也乃鍼其脣及口中以甘草湯飲之而愈又數數有龍出其陂造而治之一日龍負之而去不知所之也列仙傳

秦長桑君

長桑君者六國時人不知何許人也時人莫有識者扁鵲少時為人舍長舍客長桑君過扁鵲心自奇異

之常謹以禮遇長桑君亦知扁鵲非常人也乃悉取其禁方書盡與扁鵲出史記

醫緩

醫緩春秋時秦人也未詳其姓晉景公病求醫於秦伯伯使醫緩治之未至公夢二豎子相謂曰彼良醫也懼傷我焉將逃之其一曰我居肅之上汝居膏之下若我何緩至謂公曰疾不可為也在肅之上膏之下攻之不可達之不及達為鍼也藥不至焉不可為也公曰良醫也厚禮而歸之出左傳

醫和

醫和

卷二

五

醫和者春秋時秦國人未詳其姓晉侯有病求醫於秦伯伯使醫和視之曰疾不可為也是謂近女室疾蠱非鬼非食惑以喪志喪志為惑女色良臣將死天命不祐趙孟曰良醫也厚其禮而歸之並春秋左氏傳

文摯

文摯者春秋時宋國良醫也洞明醫道亦兼異術龍叔子謂之曰子之術微矣吾有疾子能已之乎文摯則命龍叔背明而立文摯從後向明而熟視之曰嘻吾見子之心矣方寸之地虛矣幾聖人也子心六孔流通一孔不達今聖智為疾惑由此乎治之遂愈

醫均

醫均者秦之良醫也莫知其姓張子背腫命均治之張子謂之曰非吾背也任子制焉治之遂愈夫身之與國而猶此也必有所委然後治之出尹

鳳綱

鳳綱者漢陽人也常採百草花水漬之瓮盛封泥自正月始迄九月末又取瓮埋之百日煎丸之卒死者以此藥內口中水下之皆生服綱藥者非但疾差數百歲不死沒入地肺山仙去也出神仙傳

矯氏 俞氏 盧氏

矯氏俞氏盧氏並周之良醫也

出列子及初學記

扁鵲

扁鵲者渤海鄭人也

徐廣曰鄭當為鄭縣名今屬河間

姓秦名越人

至今天下言脈者由扁鵲也

出史記

子豹

子豹者秦越人弟子號太子死扁鵲乃使弟子子陽

厲鍼砥石以取三陽五會有間太子蘇扁鵲乃使子

豹為五分之熨以八減之劑和煮之以熨兩脅下太

子遂能起坐焉

出史記

李醯

李醯為秦太醫令自知伎不如扁鵲遂密使人刺殺之

出史記

崔文子

崔文子者秦時太山人也志好黃老事居潛山下後

作黃散赤丸藥賣之都市自言年三百餘歲後有疫

氣人死者萬萬計長史請文子救之文子擁朱幡繫

黃散以巡人間飲散服丸即愈所活者以萬計其後

去之蜀賣藥故世人云崔文子赤丸黃散近於神也

出列仙傳

安期先生

出列仙傳

卷一

安期先生者琅琊阜鄉人也賣藥海邊時人謂之千
 歲公李少君太山採藥病困殆死遇安期安期與之
 神樓散服一錢七遂愈秦始皇聞之召見與語三日
 三夜賜金璧數千萬出於阜鄉亭皆置之而去出列仙傳
 樓護

漢樓護字君卿齊人也父為醫護少誦經方本草祕
 方十萬言長老咸敬重之共謂之曰以吾子之材何
 不宦學乎由是辭其父學經為京兆令甚有名譽漢書
 公孫光

公孫光齊淄川唐里人也好醫術為當時所重初淳

于意就光家求學光悉以教之所授妙方子無以教
 入意曰得禁方實幸甚死不敢妄傳光曰爾後必為
 國工吾方盡矣臨淄陽慶其方甚奇異吾不如之可
 謹事之必得其方意遂辭光而事慶焉出史記

陽慶

陽慶山東齊人也傳黃帝扁鵲之脉書診病知人死
 生

太倉公

太倉公者齊太倉長臨淄人也姓淳于氏名意少而
 喜醫方術高后八年得見師臨淄元里公乘陽慶慶

有古先道遺傳黃帝扁鵲之書五色診病知人生死
決嫌疑定可治及藥論書甚精悉受其禁方

秦信

秦信者不知何許人也少明敏有度量好經方本草
及黃帝扁鵲之脉書為當代良醫

王遂

王遂不知何郡人少習經方工於理療以藝業精博
為齊王侍醫

宋邑

宋邑者臨淄人也率性愛入志尚醫術就齊太倉公

淳于意學五診脉論之術為當世良醫並史記

馮信

馮信齊臨淄人也為齊太倉長性好醫方精於診處
而臨淄王猶以其識見未深更令就淳于意學方意
教以按法逆順論藥法定五味及和劑湯法信受之
擅名於漢出史記

高期

高期不知何許人也入仕為濟北王太醫王以期術
藝未精遣就倉公淳于意學經脉高下及奇絡結俞
穴所在及氣當上下出入邪正逆順以宜定鑱石刺

灸之法歲餘亦頗通之乃以此知名

王禹

王禹不知何郡人以藝術為濟北王太醫以識見未
精就倉公意學數歲悉通之以此知名漢代

唐安

唐安齊臨淄人也言貌謙恭風儀溫雅性好醫術就
倉公學意教以五診上下經脉奇恒四時應陰陽之
法乃為齊醫

杜信

杜信不知何郡人也性度溫恭謙柔好學知自身之

病乃悉心學醫自欲扶危持顛兼以安人濟眾遂詣
倉公求學情理甚懇意憐之教以上下經脉五診之
法二歲餘亦以知名漢代並史記

玄俗

玄俗者莫知其姓字也自言河間人恒食巴豆雲母
賣藥於都市為人治病河間王買藥服之下地十餘
頭王問其病源俗云王病乃六世餘殃非王所知也
緣王常放乳鹿仁感天心故遭俗爾王欲以女妻之
俗夜亡去不知所之後有人見於常山之下焉列仙傳

張機

後漢張機字仲景南陽人也受術於同郡張伯祖善於治療尤精經方舉以孝廉官至長沙太守後在京師為名醫於當時為上手時人以為扁鵲倉公無以加之也出何顛別傳及甲乙經仲景方論序

郭玉

郭玉太醫丞廣漢人也和帝試玉之診使嬖臣美手者與宮人雜處帷中令玉診之玉曰左陽右陰非一女之脉也帝甚奇之後漢書

程高

程高廣漢人也性好經方問道無倦有一藝長於已

者必千里伏膺聞涪翁善醫術及鍼經診脉法尋求積年竟乃得之擅名當代為太醫丞後漢書

涪翁

涪翁者不知姓名釣於涪水因號涪翁精於醫術所治病不限貴賤皆摩踵救之而不求其報甚為當代所重後漢書

沈建

沈建丹陽人也父為長吏而建獨學好道不肯仕宦學道引服食之術延年却老之法又能治病病無輕重建治輒愈建斷穀不食輕舉飛行或去或來如此

三百餘年乃絕迹不知所之出神仙傳

張伯祖

張伯祖南陽人也志性沉簡篤好方術診處精審療皆十全出張仲景為當時所重同郡張仲景異而師之因有大譽出方序論

杜度

杜度不知何許人也仲景弟子識見宏敏器宇冲深淡於驕矜尚於救濟事仲景多獲禁方遂為名醫出仲景方

衛沉

衛沉不知何郡人也仲景弟子知書疏有小才撰四逆三部厥經及婦人胎臟經小兒顛顛經方三卷皆其所制出名當代出仲景方

華佗

華佗字元化沛國譙人也洞曉醫方兼善養性之術年百餘歲而貌有壯容時人謂之仙魏志列傳

李當之

李當之者不知何許人也華佗弟子少通醫經尤精藥術出梁七錄

吳普

吳普廣陵人也為華佗弟子以藝術知名性恬淡善醫方年九十餘而耳目聰明牙齒完堅知名當代出梁錄七

樊阿

樊阿彭城人受術於華佗遂為名醫出張湛養生論華佗別論

封君達

青牛道士封君達隴西人也服黃連五十餘年又入鳥鼠山服朮百餘歲後還鄉里視之如年三十者常騎青牛聞有疾病殆死者無論識與不識以藥治之應手而愈後入玄丘山仙去神仙傳及博物志

韓康

韓康字伯休京兆灃陵人常採藥於名山賣於長安市口不二價三十餘年時有女子從康買藥康守價不移女子曰公是韓伯休即乃不二價康嘆曰我本避名女子皆知有我何用藥為遁入灃陵山中莫知所之出高士傳

董奉

董奉字君異侯官人也為人治病病愈令種杏五株輕者一株數年之間杏有十萬杏熟以穀一器勿一器杏以所得穀賑救貧乏奉在人間近二百年顏貌

若三十許人一旦舉手指天竦身入雲出葛洪神仙傳

負局先生

負局先生吳人也莫知其姓名負石磨鏡人有疾苦即出紫丸赤丸與服無不差後大疫家至到與藥活數萬餘人不取錢去時語人曰吾欲還蓬萊山為汝曹下神水崖頭去且有木色白從石間流下服多愈疾出列仙傳

李譔

李譔字欽仲梓潼涪人也通五經諸子無不該覽博好醫方為庶子遷僕射中散大夫後在官卒蜀志

李子豫

李子豫晉時不知何郡人也少善醫方當代稱其通靈許永為豫州刺史其弟患心腹堅痛十餘年殆死忽自夜聞屏風後有鬼謂腹中鬼曰何不促殺之不然明日李子豫當從此過以赤丸打殺汝汝其死矣腹中鬼對曰吾不畏之於是許永使人候子豫子豫果來未入門病者自聞腹中呻吟聲及子豫入視曰鬼病也遂於其箱出入毒赤丸與服須臾腹中雷鳴膨轉大利數行遂差今八毒丸方是也出續搜神記

張苗

張苗不知何郡人雅好醫術善消息診處為時所重
出晉書

王叔和

王叔和高平人也博好經方尤精診處洞識攝養之道深曉療病之源採摭羣論撰成脉經十卷篇次張仲景方論為二十六卷大行于世
出張湛養生方

趙泉

趙泉不知何許人性好醫方拯救無倦善療眾疾於瘡尤工為時嘆服
出晉書

葛洪

葛洪字稚川丹陽句容人也廣覽眾書及諸史百家之言下至短雜文章近得萬卷自號抱朴子善養生性之術明拯救之法撰經效諸藥方三卷名曰肘後
出晉書中典

皇甫謐

皇甫謐字士安幼名靜安定朝郡人也沉靜寡欲始有高尚之志以著述為務自得風痺疾因而學醫習覽經方手不輟卷遂盡其妙

裴顛

裴顛字逸之河東人也多學術善醫經診處通明方

藥精富于時名醫碩學咸皆嘆伏官至尚書左僕射

劉德

劉德彭城人也少以醫方自達長以才術知名當朝
縉紳伏膺附響工治衆疾於虛勞不足尤見精通療
之隨手而愈猶是承流向風千里而來者多矣官至
大醫校尉

史脫

史脫不知何郡人器性沉毅志行敦簡善診候明消
息多辯論以醫精專拯療工奇拜太醫校尉治黃疸
病最為高手

官泰

官泰不知何郡人幼而岐嶷長而聰敏靜好墳典雅
尚方術有一藝長於已者必千里尋之善診諸疾療
上氣尤異制三物散方治喘嗽上氣甚有異效世所
貴焉

靳邵

靳邵不知何許人也性明敏有才術本草經方誦覽
無不通究裁方治療意出衆見創置五石散礬石散
方晉朝士大夫無不服餌獲異效焉

阮侃

阮侗字德如陳留尉氏人也幼而聰惠長而好學性
沉靜有大度以秀才為郎游心方伎無不通會於本
草經方療治之法尤所耽尚官至河內太守以上出
晉書

張華

張華字茂先范陽方城人也學業優博辭藻溫麗精
於經方本草診論工奇理療多效出晉書及
徐廣晉紀

蔡謨

蔡謨字道明不知何許人也素以儒道自達治泄知
名性有道風耽尚醫術嘗覽本草經方手不釋卷及
授揚州刺史將之任渡江食蟹誤中彭蜺毒殆死嘆

曰讀爾雅不熟為勤學所誤焉出晉
紀

程據

程據不知何許人志性沉毅雅有度量少以醫術知
名為太醫令晉書
典書

支法存

支法存者嶺表僧人也幼慕空門心希至道而性敦
方藥尋覽無厭當代知其盛名自永嘉南渡晉朝士
夫不襲水土所患皆脚弱唯法存能拯濟之出于金
方序

仰道士

仰道士嶺表僧人也少以聰惠入道長以醫術關懷

因晉朝南移衣纓士類不襲水土皆患軟脚之疾深者無不斃踣而此僧獨能療之天下知名焉千金方序論

范汪

范汪字玄乎不知何郡人少孤年六歲過江依外家新野庾氏賓于園中布衣蔬食燃薪寫書畢讀誦亦遍遂博通百家之言性仁愛善醫術嘗以拯恤為事凡有疾病不以貴賤皆治之所活十愈八九晉中興書

殷仲堪

殷仲堪陳郡人父病積年衣不解帶躬學醫方究其精妙出晉書

王顯

王顯字世隆滎陽平人也以醫術自達而明敏初文昭皇后之懷世宗夢為日所逐化為龍而遶后后寤而驚悸遂成心疾勅召諸醫及顯為后診脉徐審言是微風入臟宜進湯藥及加鍼灸顯診云按三部非有心疾將是懷孕生男之象後果如顯言乃補御史

出後漢書

徐審

徐審字成伯丹陽人也與兄文伯皆善醫審性祕忌承奉不得意雖貴如王公不為措療魏孝文遷洛除

晉書

卷一

十八

中散大夫文伯事南齊位至太山蘭陵守出南齊史及後魏書

徐雄

徐雄寒之子也為員外散騎侍郎醫術為江左所稱至雄子之才貴盛贈太常卿交州刺史齊史

王纂

王纂者海陵人少習經方尤精鍼石遠近知其盛名

出劉頴
與異苑

徐熙

徐熙字秋夫不知何郡人時為射陽令善醫名聞海內

道度

道度熙之長子也器宇宏深節行清敏少精醫術長有父風粒至蘭陵太守

叔嚮

叔嚮熙之次子也志性溫恭敏而好學善於政理尤

工醫術官至太山太守並宋書

薛伯宗

薛伯宗不知何許人善以禁氣治人病出宋書及吳

徐仲融

徐仲融不知何郡人為濮陽太守性好黃老隱秦望

醫苑

卷一

七

山有道士過之求飲因留一葫蘆遺之曰君習之子
孫當以道術救世位至二千石仲融開視乃扁鵲鏡
經一卷因精心學之名振海內仕至濮陽太守

胡洽

胡洽道士不知何許人性尚虛靜心栖至道以拯救
為事醫術知名

徐文伯

徐文伯字德秀東陽人也為太山太守素有學行篤
名醫術

徐嗣

徐嗣伯東陽人也文伯之弟志節慷慨超然不羣少
負其才雅有異術而性行仁愛經方診訣占候靡不
詳練悉心拯救不限貴賤皆摩踵救之多獲奇效特
為當代所稱

僧深

僧深齊宋間道人也少以醫術知名療脚弱脚氣之
疾為當時所伏撰錄法存等諸家舊方三十餘卷經
用多效時人號曰深師方

劉涓子

劉涓子不知何許人晉末於丹陽郊外夜射忽有一

醫說

卷一

二十一

物高二丈許因射而中之走如電激聲若風雨夜不敢追明日率門人弟子鄰巷數十人尋其蹤跡至山下見一小兒問曰何姓小兒云主人昨夜為劉涓子所射取水以洗瘡因問小兒主人是誰答曰是黃父鬼乃將小兒還未至聞搗藥聲遙見三人一人卧一人開書一人搗藥即齊聲叫突而前三人並走遺一帙癰疽方并一曰藥時涓子得之從宋武帝北征有被瘡者以藥塗之隨手而愈論者謂聖人作事天必助之蓋天以此授武帝也涓子用方為治于無一失演為十卷號曰鬼遺方出龔慶宣方序

羊昕

羊昕字敬元不知何許人志好文儒性敦方藥莅事詳審診療精能以拯濟功奇累遷中散大夫義興太守

秦承祖

秦承祖不知何郡人也性耿介有決斷當時名人咸所歸伏而專好藝術精於方藥不問貴賤皆治療之當時稱之為上手書並宋

張子信

張子信河內人也清靜好文學少以醫術知名太寧

中徵為尚藥典御書出齊

顧歡

顧歡字玄平吳郡人也隱於會稽山陰白石村歡率性仁愛素有道風或以襪厭而多所全護有病邪者以問歡歡曰君家有書乎曰唯有孝經可取置病人枕邊恭敬之當自差如言果愈問其故曰善襪惡正勝邪吳均齊春秋

李元忠

李元忠驃騎大將軍兼中書令晉陽縣伯趙郡栢仁人也初以母老多患遂通集方術志性仁恕疾病療

之無問貴賤北齊書

李密

李密殿中尚書濟川刺史容城縣侯食邑四百戶字希邕平棘人也密方直有至行母病積年不愈乃習經方遂盡其妙多所全護由是知名

崔季舒

崔季舒字叔正博陵安平人少孤明敏有識幹涉獵經史愛好文章長於尺牘有經世才精於醫術經方本草嘗所披覽不限貴賤皆拯治之北齊書

祖挺

祖挺字孝徵范陽昔人也博學善屬文尤長於醫術

褚澄

褚澄齊尚書吳郡太守字彥通雅有才量博好經方善醫術診處工候究盡其疾病療之無貴賤皆先審其苦樂榮悴鄉壤風俗水土所宜氣血強弱然後裁方用藥至於寡婦僧尼必有異乎妻妾之療

鄧宣文

鄧宣文不知何許人少以醫術知名志性方直除太醫尚藥典御北齊書

徐之才

徐之才金紫光祿大夫開府儀同三司尚書令西陽郡王字士茂高平金鄉人幼而俊發酬應如響善醫有機辯武明皇太后不豫之才奉藥立愈肅宗召與同坐令皇太子拜之贈帛千段錦四百疋車馬衣服上利田園千畝張太素齊書

張遠遊

張遠遊齊人也以醫藥道術知名尋有詔徵令與術士同合九轉金丹丹成顯祖置之玉匣曰真人間樂不能飛上天待我臨死方可服上同

陶弘景

梁陶弘景貞白先生字通明丹陽人母郝氏夢兩天
人手執香爐來至其所既而有孕以孝建三年夏至
日生幼而警慧博學通經有志養生性好醫方專於
拯濟利益羣品故修撰神農本草經三卷出梁書及
藝文雜類

徐之範

徐之範儀同大將軍太常卿怕山太守嗣西陽王即
北齊之才之弟也亦以醫術知名官至太常卿襲兄
爵為西陽王齊滅入周拜儀同大將軍後周書

徐敏齊

徐敏齊太常卿之範之子也工醫博覽多藝開皇中

贈朝散大夫出隋書

甄權

甄權許州扶溝人常以母病與弟立言專習醫方遂
究其妙

甄立言

甄立言權之弟也俱以母病專心習醫遂盡其妙武
德中累遷太常丞御史大夫杜淹患風毒發腫太宗
令立言治之既而奏曰更二十一日午時死果如其
言

宋俠

宋俠者不知何郡人也性明敏有學術於經方本草尤所敦尚竟以醫術知名

許胤宗

許胤宗常州義興人初仕陳為新蔡主外兵參軍時柳太后感風不能言脉益沉而噤胤宗曰口不下藥宜以湯氣蒸之令藥入腠理周時可差遂造黃耆防風湯數十斛置於床下氣如煙霧如其言便得語由是超拜義興太守並唐史

孫思邈

孫思邈雍州華原人七歲就學日誦千言善談莊老

百家之說性好醫術但是經方無不該覽撰千金等方行于世

張文仲

張文仲洛州洛陽人以醫術著名文仲則天時為侍御醫尤善療風疾則天令撰療精方奏曰風有一百二十種氣有八十種大抵雖同人性各異唯氣頭風則隨發動臨時消息之但有風氣之人春末夏初秋暮得通洩即不至困劇

孟詵

孟詵者汝州梁人也以進士擢第垂拱初累遷鳳閣

舍人少好方術以藥餌為事撰補養方必效方行於世

王方慶

王方慶太原人也雅有材度博學多文篤好經方精於藥性

秦鳴鶴

秦鳴鶴不知何許人也為高宗侍醫並唐史

許智藏

許智藏高陽人幼嘗以母疾博覽醫方世號名醫仕陳為散騎侍郎會秦孝王俊有疾上馳召之夜夢其

亡妃崔氏泣曰本來相迎聞許智藏將至其人若到當必相苦為之奈何明夜俊又夢崔氏曰妾得託矣當入靈府中避之智藏至為後診脉曰疾已入心即當發瀰不可救也果如其言出唯書

巢元方

巢元方不知何許人也大業中為太醫博士奉詔撰諸病源候論五十卷罔不該集宋宣獻撰巢氏病源序

元珠先生

元珠先生不知何許人隱顯莫測惟太僕令王冰識其為異人乃師事之元珠洞明素問究極微奧密授

妙旨教冰五臟六氣修煉養生之法草石性理祛邪去疾神方由是冰乃註大經素問至一為醫家宗範

出仙傳

王冰自號啓玄子

王冰寶應中為大僕令篤好醫方得先師所藏太素及全元起者大為次註素問合八十一篇二十四卷且序曰將升岱岳非逕奚為欲詣扶桑無舟莫過乃精勤博訪而并友其人歷十二年方臻理要詢謀得失深遂夙心出林光祿素問序

醫說卷第一 終

醫說卷第二

宋新安張杲季明父著

醫書

醫書

皇甫謐帝王世紀曰黃帝命雷公岐伯教制九鍼著內外經素問之書咸出焉黃帝內傳曰帝昇為天子鍼經脉訣無不備也故金匱甲乙之類皆祖黃帝

黃帝與岐伯問難

黃帝御極坐明堂之上臨觀八極考建五常以謂人生負陰而抱陽食味而被色寒暑相盪喜怒交侵乃

與岐伯上窮天紀下極地理遠取諸物近取諸身更相問難雷公之倫授業傳之而內經作矣蒼周之興秦和述六氣之論具明於左史厥後越人得其一二演述難經西漢倉公傳其舊學東漢仲景撰其遺論晉皇甫謐次為甲乙隋楊上善纂為太素唐王冰篤好之大為次註林億素問序

素問惟八卷

班固曰內經十八卷素問即其經之九卷兼靈樞九篇乃其數焉雖年代移革而授學猶存懼非其人時有所隱故第七一卷師氏藏之今之奉行惟八卷爾

周有和緩漢有淳于魏有張公華公皆得斯道妙者也王冰素問序

醫之起

帝王世紀曰黃帝使岐伯主典醫藉以療眾疾說文曰巫彭初作醫呂氏春秋亦曰巫彭作醫

方書所出

世諸方書藥法雖損益隨時大抵祖述黃帝如脉經之出於晉王叔和病源之出於隋巢元方湯液經之出於商伊尹傷寒論出於漢張機千金備急出於唐孫思邈外臺祕要出於唐王珪皇朝太平集天下名

方爲太平聖惠其餘紛紛無代無之高氏小史曰炎
帝作藥方以救時疫事物紀原

難經

帝王世紀曰黃帝命雷公岐伯論經脉旁通問難八
十一爲難經楊元操難經序曰黃帝八十一難經者
秦越人所作按黃帝內經二秩秩九卷其義難究越
人乃採精要八十一章爲難經同上

陸宣公褒方書

陸宣公在忠州褒方書以度日非特假此以避禍蓋
君子之存心無所不用其至也前輩名士往往能醫

非惟衛生亦可及物而今人反耻言之近時士大夫
家藏方或集驗方流布甚廣皆仁人之用心本草單
方近已刻於四明及

本朝諸公文集雜說中名方尚多未見有類而傳之
者予屢欲爲之恨藏書不廣儻有能用予言集以傳
諸人亦濟物之一端也

本草

百藥自神農始

淮南子曰神農始嘗百草之滋味當此之時一日而
遇七十毒世本曰神農和藥濟人則百藥自神農始

也世紀或云伏羲嘗味百草非也梁陶弘景本草序
曰神農氏王天下宣藥療疾以拯天傷高氏小史曰
炎帝嘗百藥以治病嘗藥之時百死百生帝王世紀
曰炎帝嘗味草木宣藥療疾著本草四卷至梁陶弘
景唐李世勣等註敘為二十卷皇朝開寶中重校定
仁宗嘉祐中命掌禹錫等集類諸家叙藥之說為補
注本草唐書于志寧傳志寧云班固惟記黃帝內外
經不載本草梁七錄乃稱之世謂神農嘗藥黃帝以
前文字不傳以識相付至桐雷乃載篇冊然所載郡
縣多漢時張仲景華陀竄記其語梁陶弘景此書應

與素問同類其餘多與志寧之說同也

事物紀原

藥有君臣佐使

藥有君臣佐使大抵養命之藥則多君養性之藥則
多臣療病之藥則多佐使猶依本性所主而兼復斟酌
詳用此者益當為善

用藥增減

千金方云夫衆疾積聚皆起於虛虛生百病積者五
臟之所積聚者六腑之所聚如斯等疾多從舊方不
假增損虛而勞者其弊萬端宜應隨病增減聊復審
其冷熱記其增損之主耳虛勞而頭痛復熱加枸杞

萎蕤虛而欲吐六加人參虛而不安亦加人參虛而多
夢紛紜加龍骨虛而多熱加地黃牡蠣地膚子甘草
虛而冷加當歸芎藭乾薑虛而損加鍾乳棘刺菴蓉
巴戟天虛而大熱加黃芩天門冬虛而多忘加茯神
遠志虛而驚悸不安加龍齒沙參紫石英小草若冷
則用紫石英小草若客熱則用沙參龍齒不冷不熱
皆用之虛而口乾加麥門冬知母虛而吸吸加胡麻
覆盆子栝子仁虛而多氣兼微咳加五味子大棗虛
而身強腰中不利加磁石杜仲虛而多冷加桂心吳
茱萸附子烏頭虛而勞小便赤加黃芩虛而客熱加

地骨皮白水黃芪白名虛而冷用隴西黃芪虛而痰
復有氣用生薑半夏枳實虛而小腸利加桑螵蛸龍
骨雞臍脘虛而小腸不利加茯苓澤瀉虛而損溺白
加厚朴諸藥無有一一歷而用之但據體性冷熱的
相主對聊叙增損之一隅夫處方者宜準此

藥有宣通補洩

藥有宣通補洩輕重溼滑燥濕此十種者是藥之大
體而本經都不言之後人亦未述遂令調合湯丸有
昧於此者至如宣可去壅即薑橘之屬是也通可去
滯即通草防己之屬是也補可去弱即人參羊肉之

屬是也。泆可去祕，卽葶藶、大黃之屬是也。輕可去實，卽麻黃、葛根之屬是也。重可去怯，卽磁石、鐵粉之屬是也。澀可去脫，卽牡蠣、龍骨之屬是也。滑可去著，卽冬葵、榆皮之屬是也。燥可去濕，卽桑白皮、赤小豆之屬是也。濕可去粘，卽紫石英、白石英之屬是也。只如此體皆有所屬，凡用藥者，審而詳之，則靡所遺失矣。

本草黑白字

滕元發云：「善醫惟取本草白字藥用之，多驗。蘇子容云：黑字者多，後漢人益之。」

藥有陰陽配合

本草云：凡天地萬物皆有陰陽，大小各有色類，尋究其理，並有法象。故毛羽之類皆生於陽，而屬於陰；鱗介之類皆生於陰，而屬於陽。所以空青法木，故色青；而主肝。丹砂法火，故色赤；而主心。雲母法金，故色白；而主肺。雌黃法土，故色黃；而主脾。磁石法水，故色黑；而主腎。餘皆以此推之，例可知也。

誤注本草

張文潛好食蟹，晚苦風痺，然嗜蟹如故。至剔其肉，滿貯巨椀，而食之。嘗作詩云：世言蟹毒甚，過食風乃乘。風淫爲末疾，能敗股與肱。我讀本草書，美惡未有憑。

筋絕不可理蟹續牢如組骨委用蟹補可使無崩騫
凡風待火出熱甚風迺騰中言若遇蟹其快如霜冰
俗傳未必妄但恐殊愛憎本草起東漢要之出賢能
雖失諒不遠堯跖終殊稱書生自信書但說徒營營
文潛為此詩殆嗜蟹之僻而為之辯耶抑真信本草
也如河豚之目并其子凡血皆有毒食者每剔去之
其肉則洗滌數十過俟色如雪方敢烹故梅聖俞詩
云烹魚苟失所入喉為鎮錮而大觀本草乃云河豚
性溫無毒所謂注本草誤而能殺人者殆此類耶

本草云藥名之異

本草一物而有數名者詳載本經至有日常用之藥
乃有異名一時難以尋討今直指其名表而出之庶
有益於後學牡蒙乃紫參衛矛即鬼箭紫葳今凌霄
花懷香子即茴香也莎草根今香附子是北亭砂乃
硃砂茗苦茶者茶也無食子沒石子是南燭枝今烏
飯菜菔根芡筍也惡實即牛蒡子蠶實即馬蘭淫羊
藹即仙靈脾假蘇是荆芥葫是大蒜牙子乃狼牙馬
勃乃馬屁菌也商陸即當陸根敗天公人戴竹筍之
敗者薰陸香乳香也訶黎勒初未成實風吹之墜地
謂之隨風子太平廣記載南威橄欖也石蜜櫻桃也

盧橘枇杷也木蜜棗也歷塵也葱白涼青熱通九竅
 菲白暖地之羊肉青涼閉九竅萊菔乃蘿蔔小草即
 遠志葉半天河竹籬頭水也署蕓今之山藥神屋即
 龜甲五靈脂寒號虫糞也芟實菱也烏芋即慈菇蚤
 休即紫荷車浮石載石蟹條下慎火草即景天也

鍼灸

鍼灸之始

帝王世紀曰太昊畫八卦以類萬物之情六氣六腑
 五臟五行陰陽四時水火升降得以有象百病之理
 得以有類乃制九鍼又曰黃帝命雷公岐伯教制九

鍼蓋鍼灸之始也

明堂

今醫家記鍼灸之穴為偶人點誌其處名明堂按銅
 人俞穴圖序曰昔黃帝問岐伯以人之經絡窮妙于
 血脉參變乎陰陽盡書其言藏於金蘭之室海雷公
 請問乃坐明堂以授之後世言明堂者以此並其事物
紀原

妙鍼獼走

宋人王纂海陵人少習經方尤精鍼石遠近知其盛
 名宋元嘉中縣人張方女日暮宿廣陵廟門下夜有
 物假作其婿來女因被魅惑而病纂為治之始下一

鍼有類從女被內走出病因而愈劉穎叔異苑

鍼驚愈鬼

徐熙字秋夫不知何郡人時為射陽少令善醫方名聞海內嘗夜聞有鬼呻吟聲甚凄苦秋夫曰汝是鬼何所須答曰我姓解名斯家在東陽患腰痛死雖為鬼而疼痛不可忍聞君善術願相救濟秋夫曰汝是鬼而無形云何厝治鬼曰君但縛蠶為人索孔穴鍼之秋夫如其言為鍼腰四處又鍼肩并三處設祭而埋之明日一人來謝曰蒙君醫療復為設祭病除饑解感惠實深忽然不見當代稱其通靈長子道度次

子叔嚮皆精其術焉唐史

鍼愈風手

唐甄權許州扶溝人常以母病與弟立言專習醫方遂究其妙隋開皇初為秘書省正字後稱疾免曾州刺史庫狄欽苦患風手不得引諸醫莫能療權謂曰但將三箭向梁一鍼可以射矣鍼其肩隅一穴應時愈貞觀中一年百三歲太宗幸其家視其飲食訪以藥性因授朝散大夫賜几杖衣服其修撰脉經鍼法明堂人形圖各一卷至今行用焉同上

許希善鍼

天聖中仁宗不豫國醫進藥久未效或薦許希善
用鍼者召使治之三鍼而疾愈所謂與龍穴是也
仁宗大喜遽命官之賜予甚厚希既謝上復西北再
拜仁宗怪問之希曰臣師扁鵲廟所在也仁宗
嘉之是時孔子之後久失封爵故顏大初作許希詩
以諷之於是詔訪孔子四十七代孫襲封文宣王皇朝
苑類

鍼法

善用鍼者從陰引陽從陽引陰以右治左以左治右
以我知彼以表知裏

鍼愈風眩

秦鳴鶴為侍醫高宗苦風眩頭重目不能視武后亦
幸災異逞其志至是疾甚召鳴鶴張文仲診之鳴鶴
曰風毒上攻若刺頭出少血即愈矣天后自簾中怒
曰此可斬也天子頭上豈是試出血處耶上曰醫之
議病理不加罪且吾頭重悶殆不能忍出血未必不
往命刺之鳴鶴刺百會及腦戶出血上曰吾眼明矣
言未畢后自簾中頂禮拜謝之曰此天賜我師也躬
負繒寶以遺鳴鶴

鍼鼻生贅

狄梁公性好醫藥尤妙鍼術顯慶中憲制入關路傍大榜云能療此兒酬絹千匹有富室兒鼻端生贅如拳石綴鼻根蒂如筋痛楚危亟公為腦後下鍼疣贅應手而落其父母輦千練奉焉公不顧而去集異記

筆鍼破癰

李王公主患喉癰數日痛腫飲食不下纔召到醫官言須鍼刀開方得潰破公主聞用鍼刀哭不肯治痛逼水穀不入忽有一草澤醫曰某不使鍼刀只用筆頭蘸藥癰上霎時便潰公主喜遂令召之方兩次上藥遂潰出膿血一盞餘便寬兩日瘡無事令傳其方

醫云乃以鍼繫筆心中輕輕劃破其潰散爾別無方言醫者意也以意取效爾名醫錄

鍼瘤巨虱

臨川有人瘤生頰間癢不可忍每以火烘灸則差止已而復然極以患苦醫者告之曰此真虱瘤也當割而出之取油紙圍頂上然後施砭瘤緣破小虱涌出無數最後一白一黑兩大虱皆如豆殼中空無血與頰了不相干略無癢痕但瘤所障處正白爾丁志

善鍼

無為軍張濟善用鍼得訣於異人能觀解人而視其

經絡則無不精因歲饑疫人相食凡視一百七十一人
 以行鍼無不立驗如孕婦因仆地而腹偏左鍼右手
 指而正久患脫肛鍼頂心而愈傷寒友胃嘔逆累日
 食不下鍼眼皆立能食皆古今方書不著陳瑩中為
 作傳云藥王藥王為世良醫嘗草木金石名數凡十
 萬八千悉知酢鹹淡甘辛等味故從味因悟入益知
 今醫家別藥口味者古矣邵氏聞見錄

捫腹鍼兒

朱新仲祖居桐城時親戚間有一婦人妊孕將產七
 日而子不下藥餌符水無不用待死而已名醫李幾

道偶在朱公舍朱引至婦人家視之李曰此百藥無
 所施惟有鍼法吾藝未至此不敢措手爾遂還而幾
 道之師龐安常適過門遂同謁朱朱告之故曰其家
 不敢屈公然人命至重公能不惜一行救之否安常
 許諾相與同往才見孕者即連呼曰不死令其家人
 以湯溫其腰腹間安常以手上下拊摩之孕者覺腸
 胃微痛呻吟間生一男子母子皆無恙其家驚喜拜
 謝敬之如神而不知其所以然安常曰兒已出胞而
 一手誤執母腸胃不復能脫故雖投藥而無益適吾
 隔腸捫兒手所在鍼其虎口兒既痛即縮手所以遽

生無他術也試令取兒視之右手虎口有鍼痕其妙如此泊宅編

鍼急喉閉

於大指外邊指甲下根齊鍼之不問男女左右只用
人家常使鍼鍼之令血出即效如大段危急兩手大
指都鍼之其功甚妙庚志

砭石

砭石謂以石為鍼也山海經曰高氏之山有石如玉
可以為鍼則砭石也

刺悞中肝

醫郵徐毅得病華佗往省之毅謂佗曰昨使醫曹吏
劉祖鍼胃脘訖便苦咳嗽欲臥不安佗曰刺不得胃
脘誤中肝也食當日減五日不救如佗言二國志

九鍼

九鍼上應天地陰陽一天二地三人四時五音六律
七星八風九野一鍼皮二鍼肉三鍼脉四鍼筋五鍼
骨六鍼調陰陽七鍼益精八鍼除風九鍼通九竅除
三百六十五節氣一鑱鍼二員鍼三鍤鍼四鋒鍼五
銛鍼六員利鍼七毫鍼八長鍼九大鍼

工鍼

僧海淵閩人也工鍼砭天禧中入吳楚游京師寓相
國寺中書令張士遜疾國醫拱手淵一鍼而愈由是
知名既老歸蜀范景仁賦詩餞之云舊鄉山水遶禪
局日日山光與水聲歸去定貪山水樂不教冤夢到
神京治平二年化去張唐英貽以偈曰言生本不生
言滅本不滅覺路自分明勿與迷者說劉季孫銘其
塔曰資身以醫有聞於時餘幣散之拯人於危此士
君子所難嗟乎師

鍼舌底治舌出不收

王況字子亨本土人爲南京宋毅叔塔毅叔旣以醫

名擅南北況初傳其學未精薄遊京師甚悽然會鹽
法忽變有大賈覩揭示失驚吐舌遂不能復入經旬
食不下咽疋羸且甚國醫不能療其家憂懼榜于市
曰有治之者當以千萬爲謝况利其所售之厚姑往
應其求旣見賈之狀忽發笑不能制心以謂未易措
手也其家人怪而詰之况謬爲大言答之曰所笑者
輦轂之大如此乃無人治此小疾耳語主人家曰試
取鍼經來况謾檢之偶有穴與其疾似是者况曰爾
家當執狀與我萬一不能治則勿尤我當爲鍼之可
立效主病者不得已亦從之急鍼舌之底抽鍼之際

其人若委頓狀頃刻舌遂伸縮如平時矣其家大喜
 謝之如約又為之延譽自是翕然名動京師既小康
 始得盡心肘後之書卒有聞於世事之偶然有如此
 者況後以醫得幸宣和中為朝請大夫著全生指迷
 論一書醫者多用之

王明清
餘語

艾謂之一壯

醫用艾一灼謂之一壯以壯人為法也其言若干壯
 壯人當依此數老幼羸弱量力減之

灸背瘡

京師萬勝門刺員王超忽覺背上如有瘡隱起倩人

看之已如盞大其頭無數或教往梁門裏外科金龜
 兒張家買藥張視嘔眉曰此瘡甚惡非藥所能治只
 有灼艾一法庶可冀望萬分然恐費力乃撮艾與之
 日且歸家試灸瘡上只怕不疼直待灸疼方耳療爾
 灼火十餘殊不知痛妻守之而哭至第廿三壯始大
 痛四傍惡肉捲爛隨手墮地即似稍愈再詣張謝張
 付藥敷貼數日安則知癰疽發於背脅其捷法莫如
 灸也

類編

赤灸癰疽

凡人初覺發背欲結未結赤熱腫痛先以濕紙覆其

上立視候之其紙先乾處則是結癰頭也取大蒜切
成片如當二錢厚薄安其頭上用大艾炷灸之三壯
即換一片蒜痛者灸至不痛不痛者灸至痛時方住
最要早覺早灸為上一日二日十灸十活三日四日
六七活五六日三四活過七日不可灸矣若有十數
頭作一處生者即用大蒜研成膏作薄餅鋪頭上聚
艾於蒜餅上燒之亦能活也若背脊初發赤腫一片
中間有一粟米大頭子便用獨頭蒜切去兩頭取中
間半寸厚薄正安於瘡上却用艾於蒜上灸二十七壯
多至四十九壯江寧府紫極觀因掘得石碑載之

灸瘵疾

女童莊妙真頃緣一婦坐瘵疾不起餘孽亦疑疑見
及偶一趙道人過門見而言曰汝有瘵疾不治何耶
答曰喫了多藥弗效趙笑曰吾得一法治此甚易
當以癸亥夜一更六神皆聚之時解去下體衣服於
腰上兩傍微陷處鍼灸家謂之腰眼直身平立用筆
點定然後上床合面而臥每灼小艾炷七壯勞蟲或
吐出或瀉下即得平安斷根不發更不傳染敬如其
教因此獲全生類編

灸欬逆法

予族中有病霍亂吐利垂危因忽發欬逆半日之間遂至危殆有一客云有灸欬逆法凡傷寒及久病得欬逆皆為惡候投藥皆不效者灸之必愈予遂令灸之火至肌欬逆已定元豐中予為鄜延經略使有幕官張平序病傷寒已困一日官屬會飲通判延州陳平裕忽言張平序已屬續求往見之予問何遽此云欬逆甚氣已不屬予忽記灸法試令灸之未食頃平裕復來喜笑曰灸逆差其法乳下一乳許正與乳相直骨間陷中婦人即屈乳頭度之乳頭齊處是穴灸炷如小豆許灸三壯男灸左女灸右只一處火到

肌即差若不差則多不救矣良方

灸鼻衄

徐德占教衄者急灸項後髮際兩筋間宛宛中三壯立止蓋血自此入腦注鼻中常人以線勒頸後尚可止衄此灸決效無疑同上

灸牙疼法

隨左右所患肩尖微近後骨縫中小舉臂取之當骨解陷中灸五壯予自親灸數人皆愈矣灸畢項大痛良久乃定永不發予親病齒痛百方治之皆不驗用此法遂差同上

脚氣灸風市

蔡元長知開封正據案治事忽覺如有虫自足心行至腰間即墜筆量絕久之方甦掾屬云此病非俞出人不能療趣使呼之俞曰是真脚氣也法當灸風市為灸一壯蔡晏然復常明日疾如初再呼俞曰欲除病根非千艾不可從其言灸五百壯自此遂愈仲兄文安公守姑蘇以鑿輿巡幸虛府舍暫徙吳縣縣治卑濕旋感足痺痛掣不堪忍服藥弗效乃用所聞灼風市肩隅曲池二穴終身不復作僧普清苦此二十年每發率兩月用此灸二十壯即時痛止其他家

此力者不一而足夷堅志

灸脚轉筋

岐伯灸法療脚轉筋時發不可忍者灸脚踝上一壯內筋急灸內外筋急灸外

三里頻灸

若夏安三里莫要乾患風疾人宜灸三里者五臟六腑之溝渠也常欲宣通即無風疾

灸頭臂脚不宜多

如灸頭上穴灸多令人失精神臂脚穴灸多令人血脉枯竭四肢細而無力既復失精神又加於細即令

人短壽

灸痔疾

唐峽州王及郎中充西路安撫司判官乘驪入駱谷及宿有痔疾因此大作其狀如胡瓜貫於腸頭熱如塘煨火至驛僵仆主驛吏言此病某曾患來須灸即差用柳枝濃煎湯先洗痔便以艾灸其上連灸三五壯忽覺一道熱氣入腸中因大轉瀉先血後穢一時至痛楚瀉後遂失胡瓜登驪而馳本事方

灸蛇毒

朝野僉載記毒蛇所傷用艾灸當齧處灸之引去毒

氣即差其餘惡虫所螫馬汗入瘡用之亦效

灸難產

張文仲灸婦人橫產先手出諸般符藥不捷灸婦人右腳小指頭尖頭三壯炷如小麥大下火立產

灸臍風

樞密孫公抃生數日患臍風已不救家人乃盛以盤合將送諸江道遇老媪曰兒可活即與俱歸以艾炷臍下遂活青箱記

不宜灸

凡婦人懷孕不論月數及生產後未滿百日不宜灸

之若絕好灸臍下三寸三分間動脈中三壯女子石
門不灸出千金方

因灸滿面黑氣

有人因灸三里而滿面黑氣醫皆以謂腎氣浮面危
候也有人云腎經有濕氣上蒸於心心火得濕成煙
氣形於面而屬心故心腎之氣常相通如坎之外體
即離離之外體即坎心腎未常相離也耳屬水其中
虛則有離之象目屬火其中滿則有坎之象抑可見
矣以去濕藥治之如五苓散防已黃蘗之類皆可用
餘醫

神醫

太醫集業

國家以文武醫入官蓋為養民設未有不自學古而
得之者學古之道雖別而同為儒必讀五經三史諸
子百家方稱學者醫者之經素問靈樞是也史書即
諸家本草是也諸子難經甲乙中藏太素是也百家
史遺龍樹金錄刺要銅人明堂幼幼新書產科保慶
等是也儒者不讀五經何以明道德性命仁義禮樂
醫不讀靈素何以知陰陽運變德化政令儒不讀諸
史何以知人材賢否得失興亡醫不讀本草何以知

名德性味養生延年儒不讀諸子何以知崇政衛教
學識醇疵醫不讀難素何以知神聖工巧妙理奧義
儒不讀百家何以知律曆制度休咎吉凶醫不讀雜
何以知脉穴骨空奇病異證然雖如是猶未為博
况經史之外又有文海類集如漢之班馬唐之韓柳
及我大宋文物最盛難以槩舉醫文漢有張仲景
華佗唐有孫思邈王冰等動輒千百卷其如本朝
太平聖惠乘閑集效神巧萬全備見崇文名醫別錄
三因
方

趙簡子

扁鵲傳趙簡子病五日不知入大夫皆懼於是召扁
鵲入視之曰血脉治也而何怪昔秦穆公嘗七日如
此而寤寤而告公孫子輿曰我夢之帝所甚樂帝告
我晉國將亂五世不安其後將霸未老而死霸者之
子且冷而國男女無別後獻公之亂文公之霸而襄
公敗秦師於殽而歸縱淫今主君之病與之同不出
三日疾必間間必有言矣居一日半簡子寤史記

神醫

陳昭遇者嶺南人善醫隨劉鋹歸朝後為翰林醫官
所治疾多愈世以為神醫絕不讀書詰其所習不能

答嘗語所親曰我初來都下持藥囊抵軍壘中日閱
數百人其風勞冷氣之候皆默識之然後視其長幼
虛實按古方用湯劑鮮不愈者實未嘗尋脉訣也莊
周所謂懸解董遇以為讀書百遍義自見豈是之謂
歟皇朝類苑

尸蹩

號太子死扁鵲曰太子病所謂尸蹩者也夫以陽入
陰中動胃續緣中經維絡別下於三焦膀胱是以陽
脉下遂陰脉上爭會氣閉而不通陰止而陽內行下
內鼓而不起上外絕而不為使上有絕陽之絡下有

破陰之紐破陰絕陽之色已廢脉亂故形靜如死狀
太子未死也夫以陽入陰支蘭臟者生以陰入陽支
蘭臟者死凡此數事皆五臟廢中之時暴作也良工
取之拙者疑殆扁鵲乃使弟子子陽厲鍼砥石以取
外三陽五會有間太子蘇乃使子豹為五分之熨以
八減之劑和煮之以更熨兩脅下太子起坐更適陰
陽但服湯二旬而復故故天下盡以扁鵲為能生死
人扁鵲曰越人非能生死人也此自當生者越人能
使之起爾史記

死胎

李將軍妻病甚呼華佗視脉曰傷娠而胎不去將軍
言聞實傷娠胎已去矣佗曰按脉胎未去也將軍以
爲不然佗舍去婦稍小差百餘日復動更呼佗佗曰
此脉故事有胎前當生兩兒一兒先出血出甚多後
兒不及生母不自覺旁人亦不寤不復迎遂不得生
胎死血脉不復歸必燥着母脊故使多脊痛今當與
湯并鍼一處此死胎必出湯鍼既加婦痛急如欲生
者佗曰此死胎久枯不能自出宜使人探之果得一
死男手足完具黑長可尺所佗之絕技凡此類也

魏志

郝翁精於醫

郝翁者名允博陵人少代其兄長征河朔不堪其役
遁去月夜行山間備甚憇一樹下忽有大羽禽飛止
其上熟視之一黃衣道士也允拜手乞憐道士曰汝
郝允乎因授以醫術晚遷鄭圃世以神醫名之遠近
之人賴以活者四十餘年非病者能盡活之也蓋其
術精良可信不幸而不可治必先語之雖死亦無恨
於脉非獨知已病能前知未病與死近者頃刻遠者
累年至其日時皆無失歲常候測天地六元五運考
四方之病前以告入亦無失皇祐中翁死張岫子堅

誌其墓云夏英公病泄太醫皆為中虛翁曰風客於胃則泄殆藁本湯證也英公駭曰吾服金石等藥無數泄不止其敢飲藁本乎翁強進之泄止邵氏聞見錄

褚澄善醫

南史曰褚澄善醫術建元中為吳郡太守百姓李道念以公事到郡澄見謂汝有重病荅曰舊有冷病至今五年衆醫不差澄為診謂曰汝病非冷非熱當是食白瀾鷄子過多所致令取蒜一升煮服仍吐一物如升涎暴之動開者是鷄雛羽翅爪距具足能行走澄曰此未盡更服所餘藥又吐得如向者鷄下三頭

而病都差當時稱妙

唐與正治疾

唐與正少年得脉法於臨安醫者黃澤繼又得藥法於太學生夏德懋所召紫霞仙遇人有奇疾多以意治其姪女年數歲得風癩疾先發於臆迤邐延上赤腫痛痒醫以上膈風熱治之不效唐診之曰是肝肺風熱盛極耳以升麻羌活荆芥鼠粘子赤芍藥淡竹葉桔梗乾葛八物治之自下漸退而腫聚於頂其高數寸雖飲食寢處無妨而疾未去也唐母吳夫人曰此女乳母好飲熱酒至并歡其精疾殆因是歟唐乃

悟所以至頂不消之由思之唯乾葛消酒且能療火
 毒乃於先方加葛二倍使服之二十日腫盡失去從鼻
 吳巡檢病不得前渡卧則微通立則不能消滴醫通
 用通小腸藥窮技巧弗驗唐因其姪孫大用來問吳
 常日服何藥曰叔祖常服黑錫丹問何人結砂曰自
 為之唐酒然悟曰是必結砂時鈆不死硫黃飛去鈆
 砂入膀胱卧則偏重猶可渡立則正塞水道以故不
 能通令取金液丹三百粒分為十服煎瞿麥湯下之
 膀胱得硫黃積鈆成灰從水道下猶累累如細砂病
 遂愈葛之消酒硫黃之化鈆皆載經方苟不知病源

而以古方從事未見其可也莫堅志

以醫知名

成州團練使張銳字子剛以醫知名居于鄭州政和
 中蔡魯公之孫婦有娠及期而病國醫皆以為陽證
 傷寒懼胎之墮不敢投涼劑魯公密邀銳視之銳曰
 兒處胎十月將生矣何藥之能敗即以常法與藥且
 使倍服之半日而兒生病亦失去明日婦大泄而喉
 閉不入食眾醫復指言其疵且曰二疾如水炭又產
 蓐甫近雖扁鵲復生無活理也銳曰無庸憂將使即
 日愈乃入室取藥數十粒使吞之咽喉即通下泄亦

止逮滿月魯公開宴自諸子諸孫及女婦甥壻合六
十人請銳爲客公親酌酒爲壽曰君之術通神吾不
敢知敢問一藥而治二疾何也銳曰此於經無所載
特以意處之向者所用乃附子理中丸果以紫雪爾
方喉閉不通非至寒藥不爲用既已下咽則消釋無
餘其得至腹中者附子力也故一服而兩疾愈公大
加嘆異盡歛席上金七箸遺之刑部尚書慕容彥逢
爲起居舍人母夫人病亦召銳於鄭至則死矣時方
六月暑將就木銳欲入視彥逢不介意其欲求錢乃
曰道路之費當悉奉償實不煩入銳曰傷寒法有死

一晝夜復生者何惜一視之彥逢不得已自延入悲
哭不止銳揭向帛注視呼伴匠語之曰若嘗見夏月
死者面色赤乎曰無然則汗不出而臈爾不死也幸
無亟歛趨出取藥命以水三升煮其半灌病者戒曰
善守之至夜半大瀉則活矣銳舍於外館至夜半時
守病者覺有聲勃勃然遺尿已滿滯出穢惡物斗餘
一家盡喜遽敲門呼銳銳應曰吾今日體困不能起
然亦不必起明日方可進藥也天且明出門若將便
旋然徑命駕歸鄭彥逢詣其室但留平胃散一貼而
已其母服之數日良愈蓋銳以彥逢有求錢之疑故

不告而去紹興中流落入蜀王稚叔堅問之曰公之術古所謂十全者幾是歟曰未也僅能七八耳吾長子病診脈察色皆為執極命煇承氣湯欲飲之將飲復疑至于再三將遂飲如有掣吾肘者姑持盃以待兒忽發顛悸覆綿衾至四五始稍定汗下如洗明日而脫然使吾藥入口則死矣安得為造妙世之庸醫學方書未知萬一自以為足吁可懼哉夷堅志

耳聞風雨聲

孫兆殿丞治平中間有顯官權府尹忘其名氏一日坐堂決事人吏環立尹耳或聞風雨鼓角聲顧左右

曰此何州郡也吏對以天府尹曰若然吾乃病耳遽召孫公往焉公診之乃留藥治之翌日尹如故尹召孫問曰吾所服藥切類四物飲孫曰是也尹曰始慮為太患服此藥立愈其故何也孫曰心脈太盛腎脈不能歸耳以藥涼心經則腎脈復歸乃無恙孫之醫出於眾人皆如是眾人難之孫則易之眾人易之孫則難之真世之良醫也青箱集

非孕

潘璟字溫叟名醫也虞部員外郎張咸之妻孕五歲南陵尉富昌齡妻孕一歲團練使劉彞孫妾孕十有

四月皆未育溫叟視之曰疾也凡醫妄以爲有姪爾
於是作大劑飲之虞部妻墮肉塊百餘有眉目狀目
齡妻夢童子色漆黑倉卒怖悸疾走而去爨孫妾
墮大蛇猶蜿蜒不死三婦人皆無恙屯田郎中張謹
妻年四十餘而天癸不至溫叟察其脉曰明年血潰
乃死既而果然又貴江令王霽夜夢與婦人謳歌飲
酒晝不能食如是三歲溫叟治之疾益平則婦人色
益沮飲酒易怠而謳歌不樂久之遂無所見溫叟曰
疾雖衰然未愈也如夢男子青巾而白衣者則愈矣
後果夢則能食夷堅志

徙癰

南史曰薛伯宗善徙癰公孫泰患發背伯宗爲氣封
之徙置齋前柳樹上明日而癰消樹邊便起一瘤如
拳大稍稍長二十餘日瘤大膿爛出黃赤汁升餘樹
爲之痿損太平御覽

劉從周妙醫

韶州曲江人劉從周妙於醫術有自得之見著書十
篇大抵與世俗異其論痢疾云常人以白痢爲冷證
赤痢爲熱證故所用藥如冰炭其實不然但手足和
煖則爲熱當前與米湯調五苓散繼服感應丸二十

粒即愈手足厥冷則為寒當服已寒丸之類凡治痢當以此別之初不問赤白也如盛夏發熱有傷寒暑一證若熱有進退則為冒暑一向熱不止則為傷寒當以此別之

拔麥中蠱

有人家女病腫以榜召醫皆不能識馬嗣明問病由云曾以手拔麥穗即有一赤物長一尺許似蛇入其手指中因驚倒即覺手臂疼腫月餘漸及半身肢節俱腫痛不可忍嗣明處方治之皆愈

劉穎叔異苑

華佗醫疾

華佗沛國譙人通養生之術年且百歲而猶有壯容時人以爲仙精於方藥處劑不過數種心識分銖不假稱量鍼灸不過數處若疾發結於內鍼藥所不能及者乃令先以酒服麻沸散既醉無所覺因割破腹背抽割積聚若在腸胃則斷截湔洗去疾穢而縫合付以神膏四五日瘡愈一月之間皆平復

破腹取病

華佗傳一士大夫不決佗曰君病深當破腹取然君壽亦不過十年病不能殺君忍病十歲壽俱當盡不足故自剝裂士大夫不耐痛癢必欲除之佗遂下手

所患尋瘥十年竟死並魏志

扁鵲見齊桓侯

扁鵲過齊初見齊桓侯曰君有疾公不應後又見之曰君有病乃可治之公曰卿欲治無病之人以求其功後又見公越人便疋數日病發召越人越人曰初見君病在皮膚鍼灸所及再見君病在血脉湯藥所及今見君病入骨髓司命亦無奈何後數日桓侯乃薨

文摯

文摯齊人也齊威王病發使召文摯摯至謂太子曰

王病怒即愈王若即殺臣奈何太子曰無慮吾當救之文摯於是少時來見王及來不脫履而登床王大怒使左右持下將烹之及太子扣頭請救王怒遂解救摯因此病愈六國時人並史記

董奉

董奉候官人也時交州刺史杜燮中毒藥而死奉以太一散和水沃燮口中須臾乃蘇燮自說初死時有一車門直入一處內燮於土窟中以土塞之俄頃聞太一使至追杜燮遂開土窟燮得出

華佗

華佗字元化善養生之術廣陵太守陳登患胃煩滿
面赤不食使人請佗佗曰府君胃中有虫欲成益腥
物之所為乃作湯令登服之遂吐三升許虫虫頭皆
赤半身猶是生膾佗曰此病必更再發若值良醫乃
可救之後果發佗時不在病發遂卒

臟氣已絕

縣吏尹世苦四肢煩口中乾不欲聞人聲小便不利
佗曰試作熱食得汗則愈不汗後三日死即作熱食
而不汗出佗曰臟氣已絕於內當啼哭而絕果如佗
言並魏志

病有六不治

一不治於理二不治輕身重財三不治衣食不能
適三不治陰陽并臟氣不定四不治形羸不能服藥
五不治信巫不信醫六不治有一於此則重難治也

千金方
引史記

隨俗為醫

扁鵲名聞天下過邯鄲聞貴婦人則為帶下醫過雒
陽聞周人愛老人即為耳目痺醫來入咸陽聞秦人
愛小兒即為小兒醫隨俗為變

扁鵲兄弟三人

鵬冠云扁鵲兄弟三人並醫魏文侯問孰最扁鵲曰長兄視色故名不出家仲兄視毫毛故名不出問臣鍼入血脉投人毒藥故名聞諸侯

堅傷脾

濟北王召淳于意診脉諸女子侍者至女子堅堅無病意告永巷長曰堅傷脾不可勞法當春嘔血死王曰得毋有病乎意對曰堅病重在死法中王召視之其顏色不變以為不然春堅奉劍從王之廁王去堅後令人召之即仆於廁嘔血死病得之流汗流汗者同法病內重毛髮而色澤脉不衰此亦關內之病也

並史記

病狂

蘄水縣高醫龐安時治病無不愈其處方用意幾於古人自言心解初不從人授也蘄有富家子竊出游值鄰人有鬪者排動屋壁富人子大驚懼疾走惶惑突入市市方陳刑尸富人子走仆尸上因大驚到家發狂性理遂錯醫巫百方不能已龐為劑藥求得絞囚繩燒為灰以調藥下劑而愈龐得他人藥嘗之入口即知其何物及其多少不差也

張右史明道雜志

肝氣暫舒

四明僧奉真良醫也天章閣待制許元為江淮發運使奏課于京師方欲入對而其子病亟瞑而不食撥撥欲逾宿矣使奉真視之曰脾已絕不可治死在明日元曰觀其疾勢固知其不可救今方有事須陞對能延數日之期否奉真曰如此自可諸臟皆已衰唯肝臟獨過脾為肝所勝其氣先絕一臟絕則死若急瀉肝氣令肝氣衰則脾少緩可延三日過此無術也乃投藥至晚乃能張目精稍復啜粥明日漸蘇而能食元甚喜奉真笑曰此不足喜肝氣暫舒爾無能為也後三日果卒

筆談

二卷終

文化乙丑

